



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Amans obedientiæ.

[urn:nbn:de:hbz:466:1-46083](#)

*Amans
obedientia.*

quæ Dei gratia est , bestiam illam non pertimesco . Obedientiae virtutem amabat vnicè , eoque nomine S. Ignatium magis etiam diligebat , quòd tam præstantem de eâ Epistolam conscripsisset: censebatq; in rebus minimis studio maximo obediri debere , quòd intelligerent Superiores , quanto in pretio mandata sua haberentur ; quoniam vbi res minimæ accurate absoluteque seruentur , ibi res magnas haud dubiè maiori quoque curâ administrari . Aiebat , absolutam illam beati Aloysij in minimis etiam rebus obeundis obsequentiam , non timore aliquo culpæ aut pœnæ natam , sed desiderio ipsius virtutis .

*Obediendū
non timore,
sed amore
virtutis.*

*Re ipsā
ostendit,
quo modo
obediendū
esse existi-
maret.*

*Silentii lex
quomodo
ab eo ser-
uata.*

Loquebatur aliquando , factâ sibi potestate , cum externo intra Collegij limen , quando aliis ad eum quoque alloquendum superuenit : huic aperte Ioannes necessarium esse respondit , priùs à Rectore facultatem colloquendi petere ; eaqué impetratâ , se , ut fecit , ad colloquium esse reuersurum . Si quando tyrocinij tempore ægrè se habere sensisset , tamen obediendi studio , ad consuetam surgendi horam , manè se lectulo eripiebat ; mox , copiâ à Superiore factâ , si opus foret , in lectulum reuersurus . Interrogante quodam , quâ ratione silentij lex perfectè seruari posset ; Ego , ait , hac ratione facio : Summisse saluto si quem per viam offendō : tum si quid